



UNIVERSITÄTS-
BIBLIOTHEK
PADERBORN

**ITINERARI[I] || ITALIAE || RERVMQ. ROMANARVM || LIBRI
TRES ||**

Schottus, Franciscus

Antverpiae, 1600

Mvtina.

[urn:nbn:de:hbz:466:1-70633](https://nbn-resolving.de/urn:nbn:de:hbz:466:1-70633)

M V T I N A.

Et Mutina ciuitas vetusta celebritate pernobilis, Romanorum quippe Colonia crescente Imperio deducta simul cum Parma anno V.C. d.lxx. ut Liuius lib. xxxix. testatur. Nec dubium quin succendentibus saeculis, Romano stante Imperio, floruerit admodum: cum frequens eius apud historiæ scriptores fiat mentio, doceantque hoc insuper antiquæ marmorum inscriptiones, quæ plurimæ ibidem & pulcherrimæ adhuc exstant. Sed imprimis eam nobilitauit prærium ciuale cruentum, quo ante eius muros cum duobus cos. Hirtio & Pansa senatus authoritas, & populi libertas funditus concidit: cum M. Antonius, extincta C. Cæsar's tyrannide, discordiarum faces, D. Brutum obsidendo, resuscitaret. Clades deinde plures easque exitiales, labascente Imperij potentia, barbararum nationum inundatione, Mutinam esse passam constar: quam D. Ambrosius in epistola quadam ad Faustum, inter deserta ac ruinosas sui temporis Cisalpinæ Galliæ ad Aemiliam viam vrbes numerat. Opinari igitur eam à Gothis & Langebardis sèpè excisam fuisse, haud est absurdum: cum diu Langebarorum temporibus deserta iacuerit. Quibus Caroli magni electis victoria, atque Pipino eius filio Italorum rege constituto, tum primum hanc urbem volunt (quæ nunc Aemiliam occupat, & non nihil à veteris Mutinæ in altiore loco positæ ruinis distat) à fundamentis suscitata fuisse à nobilium ciuium reliquiis. Qui sublato barbarico metu, noui oppidi moenia ac portas, suis, amicorum, atque clientum sumptibus ac labore construxere: quemadmodū Leander Albertus in Italiae descriptione ex Mutiensium annalibus narrat diffusius.

B. O.